



Vol. 14 (九卷下)

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

Citation Information

Vol. 14 (九卷下)


Contact Information

Download Information

Date Rendered: 2019-10-21 12:12:32 PM UTC

Available Online at: <http://arks.princeton.edu/ark:/88435/ms35tf949>

14



針邪秘要

楊氏

凡男婦或歌或笑或哭或吟或多言或久默或朝夕嗔服或晝夜妄行或口眼俱邪或掀頭跳足或裸形露體或祭見神鬼如此之類乃飛虫精靈妖孽狂鬼百邪侵害也。治之時先要

愉悅。謂病家敬信醫人醫人誠心療治兩相喜悅邪鬼


方除。若主惡砭石不可以言治。醫貪貨財不足以言德。

書符。先用硃砂書太乙靈符一道一道燒灰酒調病人服一道貼于病人房內。尋時念小天罡呪。

念咒

先取氣一口。次念天罡神。日月常輪。上朝金闕。下覆崑崙。貪狼巨門。祿存。文曲。廉真。武曲。破軍。輔弼。大周天界。細入微塵。黃正氣。速赴我身。所有凶神惡煞。速赴我魁之下。毋動毋作。急急如律令。

太乙靈符



定神

謂醫與病人各正自己。神神不定。勿刺。已定可施。

正色。

謂持針之際。目無邪視。心無外想。如握虎勢。若

擒龍。

禱神。

謂臨針之時。閉目存想。一會針法。心思神農黃帝。孫韋真人。儼然在前。密言從吾針。後病不許復。乃掐穴。咒曰。大哉乾元。威統神天。金針到處。萬病如拈。吾奉太上老君。急急如律令。

咒針。

謂下手入針時。呵氣一口于穴上。默存心火燒過。用力徐徐插入。乃咒曰。布氣玄真。萬病不侵。經絡接續。龍降虎升。陰陽妙道。插入神針。針天須要開。針地定教裂。針山須便崩。針海還應竭。針人疾即

安針鬼悉滅。吾奉太上老君急急如律令。攝

又咒曰

手提金鞭倒騎牛。喝得黃河水倒流。一口吸盡川江水。運動人身血脈流。南斗六星。北斗七星。太上老君急急如律令。

孫真人針十三鬼穴歌。

百邪顛狂所為病。針有十三穴。須認凡針之體。先鬼宮。次針鬼信。無不應。一從頭逐一求。男從左起。女從右。一針人中鬼宮停。左邊下針。右出針。第二手大指甲下。名鬼信。刺三分深。三針足大指甲下。名曰鬼壘。入二分。四針掌上大陵穴。入針五分為鬼心。五針中脈為鬼路。火針三分七銍銍。第六却尋大椎上。入髮一寸。名鬼枕。七刺耳垂下八分。名曰鬼寐。針要溫。八針承漿。名鬼市。從左出。右君須記。九針勞宮為鬼窟。十針上星。名鬼堂。十一陰下縫。三壯。女王門頭為鬼藏。十二曲池。名鬼腿。火針仍要七銍銍。十三舌頭當舌中。此穴須名是鬼封。手足兩邊相對刺。若逢狐穴。只單通。此是先師真妙訣。狂猖惡鬼走無踪。

一針鬼宮。即人中。入三分。二針鬼信。即少商。入三分。三針鬼壘。即隱白。入二分。四針鬼心。即大陵。入五分。五針鬼路。即申脉。針三分。六針鬼枕。即風府。入二分。

七針鬼牀。即頰車。入五分。八針鬼市。即承漿。入三分。九針鬼窟。即勞宮。入二分。十針鬼堂。即上星。入二分。十一針鬼藏。男。即會陰。女。即玉門頭。入三分。十二針鬼腿。即曲池。火針。入五分。

十三針鬼封。在舌下中縫。刺出血。仍橫安針一枚。就兩口吻。令舌不動。此法其效。更加間使。後谿。二穴尤效。男子先針左起。女人先針右起。單日為陽。

雙日為陰。陽日陽時針右轉。陰日陰時針左轉。刺入十三穴盡之時。醫師即當口問病人。何妖何鬼為禍。病人自說來由。用筆一一記錄。言盡征止。方宜退針。

捷要灸法

醫學入門

鬼哭穴

治鬼魅狐惑恍惚振噤。以患人兩手大指相並縛定。用艾炷於兩甲角及甲後肉四處騎縫着火灸之。則患者哀告我自去。為效。

灸卒死

一切急驚暴絕。灸足兩大指內。去甲一韭葉。

灸精宮

專主夢遺。十四椎下。名開三寸。灸七壯。効。

鬼眼穴

專祛癆虫。令病人舉手向上。畧轉後。或則腰上有兩陷可。見。即腰眼也。以墨點記于六月癸亥夜亥時。灸勿令人知。四花膏盲。肺俞。亦能祛虫。

痞根穴

專治痞塊。十三椎下。各開三寸半。多灸左邊。如左右俱有。左右俱灸。

又法用稭心。量患人足大指齊。量至足後跟中。截斷將此。稭從尾骨尖。量至稭蓋處。而旁各開二韭葉許。在左灸右。在右灸左。針三分。灸七壯。神効。

又法于足第二指岐灸處。灸五七壯。左患灸右。右患灸左。灸後一晚上。覺腹中響動。是驗。

肘尖穴

治療癰。左患灸右。右患灸左。如初生時。男左女右。灸風池。又法用稭心比患人口。兩角為則。摺作兩段。於手腕窩中。量之。上下左右。四處盡頭是穴。灸之亦効。

灸瘡忤

尸瘡客忤。中惡等症。乳後三寸。男左女右。灸之。或兩大拇。指頭。

灸疝痛

偏墜。用稭心一條。量患人口兩角為則。摺為三段。如△字。

九卷
三十一
樣以一角安臍中心。兩角安臍下兩旁。尖盡處是穴。左患灸右。右患灸左。左右俱患。左右俱灸。炷艾如粟米大。灸四十壯。神効。

又法。取足大指次指下。中節橫文當中。男左女右。灸之。兼治諸氣。心腹痛。外腎吊腫。小腹急痛。

灸番胃 兩乳下一寸。或內踝下。三指稍斜向前。

灸腸風諸痔 十四椎下。各開一寸。年深者最効。

灸腫滿 兩手指縫。或足二指上一寸半。

灸癰風 左右手中指節。宛宛中。凡贅疣諸瘰。灸之無不立効。

崔氏取四花穴法

治男婦五勞七傷。氣虛血弱。骨蒸潮熱。咳嗽痰喘。疝癰痢疾。用蠟繩量患人口長。照繩裁紙四方。中剪小孔。別用長蠟繩踏脚下。前齊大趾。後上曲。脉橫文截斷。○如婦人纏足。比量不便。取右膊肩髃穴。貼肉量至中指頭。截斷。○却絡在結喉下。雙垂向背後。繩頭盡處。用筆點記。即以前紙小孔。安點中。分四方。灸紙角上。各七壯。

按四花穴。古人恐人不知點穴。故立此捷法。當必有合於五臟俞也。今依此法點穴。果合足太陽膀胱經行背二行。膈俞。胆俞。四穴。難經曰。血會膈俞。疏曰。血病治此。

蓋骨蒸勞熱血虛火旺故取此以補之胆者肝之腑肝能藏血故亦取是俞也崔氏止言四花而不言膈俞胆俞四穴者為粗工告也但人口有大小闊狹不同故比量四花亦不準莫若只揣摩脊骨膈俞胆俞為正再取膏肓二穴灸之無不應矣

膈俞在七椎下兩旁去脊各一寸五分

胆俞在十椎下兩旁去脊各一寸五分

膏肓俞在四椎下一分五椎上二分兩旁去脊各三寸

四肋三間

膏肓。膈俞。胆俞。圖。



取膏肓穴法

醫學入門

主治陽氣虧弱諸風痼冷夢遺上氣飢逆膈噎狂惑妄誤百症取穴須令患者就床平坐曲膝齊胷以兩手圍其足膝使胷骨開離勿令動搖以指按四椎微下一分五椎微上二分點墨記之即以墨平畫相去六寸許四肋三間胷骨之裏肋間空處各側指許摩營肉之表筋骨空處按之患者覺牽引胷肋中手指痛即直穴也灸至百壯千壯灸後覺氣壅盛可灸氣海及足三里瀉火實下灸後令人陽盛當消息以自保養不可縱慾

騎竹馬灸穴圖

此二穴專治癰疽惡瘡發背癰毒凍瘡諸風一切病症

從男左女右臂腕中橫紋起用薄篾一條量至中指齊肉盡處不量爪甲截斷次用篾取前同身寸一寸却令病人脫去衣服以大竹扛一條跨定兩人隨徐扛起足離地三寸兩旁兩



人扶定將前量長篾貼定竹扛豎起從尾骶骨貼脊量至幾盡處以筆點記後取身寸幾各開一寸是穴灸七壯

此楊氏灸法。按神應經。兩人擡扛不穩。當用兩木。繫於竹扛頭。令患人足微點地。用兩人兩旁扶之。尤妙。又按聚英言。各開一寸。疑為一寸五分。當合兩俞。肝俞穴道。

灸勞穴法

聚英

資生經云。久勞。其狀手脚心熱。盜汗。精神困頓。骨節痠痛。初發咳嗽。漸吐膿血。肌瘦面黃。減食少力。令身正直。用草于男左女右。自脚中指尖量過脚心下。向上至腓脤大紋。裏截斷。却將此草。自鼻尖量從頭正中。分開髮量至脊。以草盡處用墨點記。別用草一條。令病人自然合口。量闊狹截斷。却將此草于墨點上平置。兩頭盡處量六分。待過年紀多灸一壯。如人三十歲。灸三十一壯。累效。

按此穴。合五椎兩旁。各二寸五分。心俞二穴也。心主血。故灸之。

取腎俞法

在平處立。以杖子約量至臍。又以此杖當背脊骨上量之。知是與臍平處也。然後左右各寸半。取其穴。則腎俞也。

取灸心氣法

先將長草一條。比男左女右手。掌內大姆指根橫紋量起。至甲內止。以墨點記。次比塩指中指四指小指五指皆比。如前法。再加同身寸一寸。點定。別用稭草一條。與前所量

草般齊至再加一寸墨上共結一磊却令病人正坐脫去衣以草分開加於頸上以指按定磊於天突骨上兩邊垂狗背後以兩條草取般齊垂下脊中盡處是穴灸七壯效
取灸痔漏法

痔疾未深止灸長強甚效如年深者可用樗櫟馬藍菜根一握煎湯取水三碗用一碗半乘熱以小口瓶熏洗令腫退於原生鼠竅根上灸之尖頭灸不効或用藥水盆洗腫微退然後灸覺一團火氣通入腸至胸乃効灸至二十餘壯更忌毒物永愈隨以竹片護火氣勿傷兩邊好肉

灸小腸疝氣穴法

若卒患小腸疝氣一切冷氣連臍腹結痛小便遺溺大便

二穴在足大指之端去爪甲韭葉許及三毛叢中是穴灸三壯

若小腸卒疝臍腹疼痛四肢不舉小便澀滯身重足痿陰交二穴在足內踝骨上三寸是穴宜針三分灸一平極妙

灸腸風下血法

取男左女右手中指為準於尾閭骨尖頭從中倒比上至腰脊骨一拈盡處是第一穴也又以第二指於中穴取中一字分開指頭各一穴灸七壯已上加至壯數多為效患

深次年更灸。但以中指一指為準。臨時更揣摸之。

灸結胸傷寒法

宣黃連七寸。搗末。巴豆七箇。去殼不去油。一處研細。成膏如乾。滴水兩點。納於臍中。用艾灸腹中。通快痛為度。

灸陰毒結胸

巴豆十粒。研爛入麩一錢。搗作餅子。實於臍中心上。用艾炷如豆許。灸七壯。覺腹中鳴吼。良久自通利。次用葱白一束。緊扎。切作餅。灸令熱。熨臍下。更用灰火熨斗烙其餅。飲令生真氣。漸覺體溫熱。即用五積散二錢。入附子末一錢。水盞半。薑棗加鹽一匙。同煎至七分。溫服。日併三兩服。即汗自行而安。

雷火針法

治閃挫諸骨間痛。及寒濕氣。而畏刺者。用沉香木香乳香茵陳。羌活。乾薑。川山甲。各三錢。麝少許。斷艾二兩。以綿紙半尺。先鋪艾茵於上。次將藥末。摻捲緊。收用。按定痛穴。筆點記。外用紙六七層。隔穴。將捲艾。名雷火針也。取太陽真火。用圓珠火鏡皆可。燃紅。按穴上。良久。取起。剪去灰。再燒。再按。九次即愈。灸一火。念呪一遍。先燃火在手。念呪曰。雷霆官將火德星君。藥奏奇功。方得三界六府之神。針藏烈焰。煉成於仙都九轉之門。蠲除痼患。掃蕩妖氛。吾奉

南斗六星太上老君急急如律令呪畢即以雷火針按穴灸之。廼孫真人所製。今用亦驗。務要誠敬。毋令婦女雞犬見此方。全真多自秘。緣人不古。若心不合道。治不易療也。茲故表而出之。

蒸臍治病法

五靈脂

八錢生臍

斗子青

五錢生臍

乳香

錢

沒藥

天鼠糞

二錢即夜明沙微炒

地鼠糞

三錢微炒

芫花頭

乾者二錢

木通

三錢

麝香少許右為細末。水和菰麵作圓。圍置臍上。將前藥末

以二錢放於臍內。用槐皮剪錢放於臍上。以艾灸之。每歲

一土藥與錢不時添換。衣後開日時。而天地陰陽正氣納入五臟。諸邪不侵。百病不入。長生耐老。脾胃強壯。

立春巳時 春分未時 立夏辰時 夏至酉時 立秋

戌時 秋分午時 立冬亥時 冬至寅時 此乃合四

時之正氣。全天地之造化。灸無不驗。

相天時

千金云。正午以後乃可灸。謂陰氣未至。灸無不著。午前平

旦穀氣虛。令人癰瘡。不可針灸。卒急者不用此例。

下經云。灸時若遇陰霧大風雪。猛雨。炎者。雷電虹霓。停候

晴明再灸。急難亦不拘此。

按日正午。氣注心經。未時注小腸經。止可灸極泉少海

靈道通里神門少府少衝少澤前谷後谿腕骨等穴其餘經絡各有氣至之時故寶鑑云氣不至灸之不發千金所云午後灸之言恐非孫真人口訣也

千金灸法

千金方云宦遊吳蜀體上常須三兩處灸之切令瘡斬瘡則瘡癰溫瘡毒不能着人故吳蜀多行灸法故云若要安三里常不乾有風者尤宜留意

寶鑑發灸法

寶鑑云氣不至而不効灸亦不發蓋十二經應十二時其氣各以時而至故不知經絡氣血多少應至之候而灸之則瘡不發世醫莫之知也

艾葉

醫統

本草云艾味苦氣微溫陰中之陽無毒主灸百病三月三日五月五日採曝乾陳父者良避惡殺鬼又採艾之法五月五日灼艾有効製艾先要如法令乾燥入臼搗之以細篩去塵屑每入石臼搗取潔白為上須令焙大燥則灸有力火易燃如潤無功

證類本草云出明州圖經云舊不著所出但云生田野今在處有之惟蘄州葉厚而幹高果氣味之大用之甚効孟子曰七年之病求三年之艾丹溪曰艾性至熟入火灸

則上行入藥服則下行。

艾炷補瀉

氣盛則瀉之。虛則補之。○鍼所不為。灸之所宜。陰陽皆虛。火自當之。經陷下者。火則當之。經絡堅緊。火所治之。陷下則灸之。○絡滿經虛。灸陰刺陽。經滿絡虛。刺陰灸陽。○以火補者。毋吹其火。須待自滅。即按其穴。以火瀉者。速吹其火。開其穴也。

艾炷大小

黃帝曰。灸不三分。是謂徒冤。炷務大也。小弱乃小作之。又明堂下經云。凡灸欲炷下膚三分。若不三分。則火氣不達。病不能愈。則是灸炷欲其大。惟頭與四肢欲小耳。明堂上經乃曰。艾炷依小筋頭作。其病脉粗細。狀如細線。但令當脉灸之。雀巢大炷。亦能愈。又有一途。如腹脹。疝瘕。瘰癧。伏氣等。須大艾炷。故小兒曰。腹背爛燒。四肢但去風邪而已。不宜大炷。如巨闕鳩尾。灸之。不過四五壯。炷依竹筴頭大。但令正當脉上灸之。其炷若大。復灸多。其人永無心力。如頭上灸多。令人失精神。又細節。令人短壽。王節齋云。面灸炷須小。手足上猶可。

點艾火

明堂下經曰。古來灸病。忌松柏枳橘榆棗桑竹。八木火切。宜避之。有火珠耀日。以艾不之。得火為上。次有火鏡耀日。亦以艾引得火。此火皆良。諸番部用鑛鉄擊墁石。得火以艾引之。凡倉卒難備。則不如無木火。清麻油點燈上燒艾。莖點灸兼滋潤灸瘡。至愈不疼。用蠟燭更佳。

壯數多少

千金云。凡言壯數者。若丁壯病根深篤。可倍於方數。若少羸弱。可減半。扁鵲灸法有至三五百壯。千壯。此亦太過。曹鍼入六分。灸三壯。更無餘治。故後人不準。惟以病之輕重而增損之。凡灸頭項。止於七壯。積至十七壯止。○銅人治風灸上星前項百會。至二百壯。腹背各五百壯。若鳩尾巨闕。亦不宜多灸。灸多則四肢細而無力。千金方於足三里穴。乃云多至三百壯。心俞禁灸。若中風。則急灸至百壯。皆視其病之輕重而用之。不可泥一說而不通其變也。

灸法

千金方云。凡灸法坐點穴。則坐灸。臥點穴。則臥灸。立點穴。則立灸。須四體平直。毋令傾側。若傾側。穴不正。徒破好肉耳。○明堂云。須得身體平直。毋令捲縮。坐點。毋令俯仰。立

點母令傾側。

炷火先後

資生云。凡灸當先陽後陰。言從頭向上而漸下。次從頭向
右而漸下。先上後下。○明堂云。先灸上後灸下。先灸少後
灸多。皆宜審之。王節齋曰。灸火須自上而下。不可先灸下
後灸上。

灸寒熱

灸寒熱之法。先灸大椎。以年為壯數。灸大椎骨。以年為壯
數。視背俞陷者灸之。臂肩上陷者灸之。兩季脇之間灸之。
小果上絕骨之端灸之。尺小肯大肯。兩灸之。端下陷者灸之。
之外踝後灸之。缺盆骨上切之。堅動如筋者灸之。膺中陷
骨間灸之。臍下關元三寸灸之。毛際動脈灸之。膝下三寸
分間灸之。足陽明跗上動脈灸之。巔上一穴灸之。

灸瘡要法

資生云。凡着艾得瘡發。所患即瘥。若不發。其病不愈。甲乙
經云。灸瘡不發者。故履底灸令熱熨之。三日即發。今人用
赤皮葱三五莖去青。於瘡灰中煨熟。拍破熱熨瘡上。十餘
遍。其瘡三日遂發。又以生麻油漬之而發。亦有用皂角煎
湯候冷。頻點之。而亦有恐血氣衰不發。服四物湯滋養血
氣。不可一槩論也。有復灸一二壯遂發。有食熟艾之物。如

燒魚煎豆腐羊肉之類而發在人以意取助不可順其自然終不發矣。

貼灸瘡

古人貼灸瘡不用膏藥要得膿出多而疾除。資生云春用柳絮夏用竹膜秋用新綿冬用兔腹下白細毛或猫腹毛今人多以膏藥貼之日兩三易而欲其速愈此非治疾之本意也。但今世貼膏藥亦取其便不可易速若膏藥不壞惟久貼之可也。若速易即速愈恐病根未盡除也。

灸瘡膏法

用白芷金星草淡竹葉苓連乳香當歸川芎薄荷葱白等炒鉛粉香油煎膏貼如用別膏不對症倘瘡口易收而病氣不得出也。如用別物乾燥作疼亦且不便。

洗灸瘡

古人灸艾炷大使用洗法其法以赤皮葱薄荷煎湯溫洗瘡周圍約一時久令驅逐風邪於瘡口出更令經脉往來不澁自然疾愈。若灸火退痂後用東南桃枝青嫩皮煎湯溫洗能護瘡中諸風若瘡黑爛加胡荽煎洗若疼不可忍加黃連煎神効。

灸後調攝法

灸後不可就飲茶恐解火氣及食恐滯經氣須少停一二

時即宜入室靜臥。遠人事。遠色慾。平心定氣。凡百俱要寬解。尤忌大怒。大勞。大饑。大飽。受熱。冒寒。至於生冷瓜果。亦宜忌之。惟食茹淡養胃之物。使氣血通流。艾火逐出病氣。若過厚毒味。醢醉。致生痰涎。阻滯病氣矣。鮮魚雞羊。雖能發火。止可施於初灸十數日之內。不可加於半月之後。今人多不知恬養。雖灸何益。故因灸而反致害者。此也。徒責灸艾不効。何耶。

醫書

楊氏

乙卯歲至建寧。滕柯山母患羊臂不舉。背惡寒而體倦困。雖盛暑喜穿綿襖。諸醫俱作虛冷治之。予診其脉沉滑。此痰在經絡也。予針肺俞。曲池。三里。穴是日即覺身輕。手舉寒亦不畏。綿襖不復着矣。後投除濕化痰之劑。至今康健。諸疾不發。若作虛寒愈補而痰愈結。可不慎歟。

戊午春。鴻臚呂小山患結核在臂。大如柿。不紅不痛。醫云是腫毒。予曰。此是痰核。結於皮裏膜外。非藥可愈。後針手曲池。行六陰數。更灸二七壯。以通其經氣。不數日即平妥矣。若作腫毒。用以托裏之劑。豈不傷脾胃清純之氣耶。

已巳歲夏文選李漸菴公祖夫人患產後血厥兩足忽腫大如股甚危急徐何二堂等召予視之。診其脉吼而歇止。此必得之產後惡露未盡。無風邪所乘。陰陽邪正激搏。是以厥逆。不知人事。下體腫痛。病勢雖危。針定三陰經。可以無虞。果如其言。針行飯頃而楚腫痛立消矣。

癸酉秋大理義河翁患兩腿痛十餘載。諸藥不能奏效。相公推予治之。診其脉滑浮風濕入於筋骨。豈藥力能愈。須針可痊。即取風市陰市等穴。針之。官至工部。尚書病不再發。

甲戌夏員外熊可山公患痢。無吐血不止。身熱咳嗽繞臍一塊痛至死。脉氣將絕。衆醫云不可治矣。工部正郎隗月潭公素善。迎予視其脉。雖危絕而胸尚煖。臍中一塊高起如拳大。是日不宜針。刺不得已。急針氣海。更灸至五十壯而蘇。其塊即散。痛即止。後治痢。痢愈。治嗽血。以次調理得痊。次年陞職方。公問其故。予曰。病有標本。治有緩急。若拘於日忌而不針氣海。則塊何由而散。塊既消散。則氣得以疏通。而痛止。脉復全。入正所謂急則治標之意也。公體雖安。飲食後不可多怒氣。以保和其本。否則正氣乖而肝氣盛。致脾土受剋。可計日而復矣。

辛未夏刑部王念願公患咽嗑之疾。似有核上下於其間。

此疾在肺膈。豈藥餌所能愈。東臯徐公推予針之。取臚中氣海。下取三里二穴。又灸數十壯。徐徐調之而痊。東臯名醫也。旦才高識博。非不能療。即東垣治婦人傷寒。熱入血室。非針莫愈。必俟夫平。刺者。刺期門而愈。東臯之心。即東垣心也。而其德可並焉。視今之嫉賢妬能者。為何如哉。然如匪斯今。疇昔然。天予曾往磁州。道經湯陰。伏道路旁。有先師扁鵲墓焉。下馬拜之。問其故曰。鵲乃河間人也。針術擅天下。被秦醫令李醯刺死於道路之旁。故名曰伏道。實可嘆也。有傳可考。

戊辰歲給事楊後山公祖。廼郎患痺疾。藥日服而人日瘳。

同科鄭湘溪公。迎予治之。予曰。此子形羸。雖是痺症。而腹內有積塊。附於脾胃之旁。若徒治其痺。而不治其塊。是不求其本。而揣其末矣。治之之法。宜先取章門灸針。消散積塊。後次第理治脾胃。是小人已除。而君子得行其道於天下矣。果如其言。而針塊中。灸章門。再以蟾蜍丸藥。兼用之。形體漸盛。痺疾俱痊。

壬申歲。四川陳相公。患胸前突起。此異疾也。人皆曰此非藥力所能愈。錢誠翁堂尊推予治之。予曰。此乃痰結肺經。而不能疎散。以心愈高。必早針俞府。臚中。後擇日針行六陰之數。更灸五壯。令貼膏。痰出而平。廼翁編修公甚

悅之。

九卷

五十二

辛未。武選王會泉公。夫人患危異之疾。半月不飲食。目閉不開久矣。六脉似有。如無。此疾非針不甦。同寅諸公推予。即針之。但人神所已。如之何。若待吉日良時。則淪於鬼錄矣。不得已。即針內關二穴。目即開。而即能食米飲。徐以乳汁調理而愈。同寅某君問此何疾也。予曰。天地之氣常則安。變則病。况人稟天地之氣。五運迭侵於外。七情交戰於中。是以聖人晝氣。如持至寶。庸人妄為而傷太和。此軒岐所以論諸痛。皆生於氣。百病皆生於氣。遂有九竅不同之論也。而子和公亦嘗論之詳矣。然氣本一也。因所觸而為九。怒喜悲恐寒熱驚思勞也。蓋氣逆甚則嘔血及飧泄。故氣逆上矣。怒則陽氣逆上。而肝木乘脾。故甚嘔血及飧泄也。喜則氣相志達。榮衛通和。故氣緩矣。悲則心系急。肺布葉舉。而上焦不通。榮衛不散。熱氣在中。故氣消矣。恐則精神上。則上焦閉。閉則氣逆。逆則下焦脹。故氣不行矣。寒則腠理閉。氣不行。故氣收矣。熱則腠理開。榮衛通。汗大泄。故氣泄。驚則心無所倚。神無所歸。慮無所定。故氣亂矣。勞則喘息汗出。內外皆越。故氣耗矣。思則心有所存。神有所歸。正氣流而不行。故氣結矣。抑嘗考其為病之詳。變化多端。如怒氣所致。為嘔血。為飧泄。為煎厥。為薄厥。為陽厥。

九卷

五十二

為胸滿痛。食則氣逆而不下。為喘渴煩心。為肥氣。為目暴
盲。耳暴閉。筋緩發於外。為癰疽也。喜氣所致。為笑不休。為
毛髮焦。為肉病。為陽氣不收。甚則為狂也。悲氣所致。為陰
縮。為筋攣。為肌痺。為脉痿。男為數溺。女為血閉。為酸鼻辛
頤。為目昏。為少氣不能息。為泣。為臂麻也。恐氣所致。為被
細脫肉。為骨痠痿厥。為暴下清水。為面熱膚急。為陰痿。為
懼而脫頤也。驚氣所致。為潮涎。為目妄。為癡癎。為不省人
事。僵仆。久則為痿痺也。勞氣所致。為噎噎。為喘促。為嗽血。
為腰痛骨疼。為肺鳴。為高骨壞。為陰痿。為唾血。為瞋目。為
耳閉。男為少精。女為不月。衰甚則遺精。平若壞。泪平不
可上也。悲氣所致。為不眠。為嗜卧。為昏。為中痞。三焦閉

塞。為咽噎不利。為膽疸。嘔苦。為筋痿。為白淫。為不嗜食也。
寒氣所致。為上下所出。水液澄清冷。下痢青白等症也。熱
氣所致。為喘嘔吐酸暴。注下迫等病也。竅又稽之內經治
法。但以五行相勝之理。互相為治。如怒傷肝。肝屬木。怒則
氣并於肝。而脾土受邪。水太過則肝亦自病。喜傷心。心屬
火。喜則氣并於心。而肺金受邪。火太過則心亦自病。悲傷
肺。肺屬金。悲則氣并於肺。而肝木受邪。金太過則肺亦自
病。恐傷腎。腎屬水。恐則氣并於腎。而心火受邪。水太過則
腎亦自病。思傷脾。脾屬土。思則氣并於脾。土太過則脾亦自
病。

太過則脾亦自病。寒濕形形。氣氣屬陽。熱勝寒則陰受病。熱太過則陰亦自病矣。凡此數者。更相為治。故怒可以治思也。以愴惻苦楚之言感之。喜可以治悲也。以譁浪蕩狎之言娛之。恐可以治喜也。以逐迫死亡之言怖之。怒可以治思也。以污辱欺罔之言觸之。思可以治恐也。以慮彼忘此之言奪之。凡此五者。必詭詐譎詐。無所不至。然後可以動人耳目。易人視聽。若胸中無才器之人。亦不能用此法也。熱可以治寒。寒可以治熱。可以治勞。勞可以治。經曰驚

知丹溪治女人許娼後天經商三年不歸。因不食困卧如

痴。他無所病。但向裏床坐。此思氣結也。藥難獨治。得喜可解。不然令其怒。俾激之大怒。而哭之。三時。令人解之。與藥一貼。即求食矣。蓋脾主思。思過則脾氣結而不食。怒屬肝木。木能克土。木氣沖發而脾上開矣。又如子和治一婦人。久思而不眠。令觸其怒。是夕果困睡。提於影響。惟勞而氣耗。恐而氣奪者。為難治也。又同寅謝公治婦人喪妹。甚悲而不飲食。令以親家之女陪歡。仍用解鬱之藥。即能飲食。又聞莊公治喜勞之極而病切脉。乃失音症也。令恐懼即愈。然喜者之人少病。蓋其百脉舒和故耳。經云。恐勝喜。可謂

得玄關者也。凡此之症內經自有治法。業醫者廢而不行。何哉。附錄宜知所從事焉。

己巳歲尚書王西翁廼愛頸項患核腫痛。藥不愈。召予問其故。曰。項頸之疾。自有各經源絡。并俞會合之處。取其源穴以刺之。後果刺隨針而愈。更灸數壯。永不見發。大抵頸項乃橫肉之地。經脈會聚之所。凡有核腫。非吉兆也。若不究其根。以多刺之。則流串之勢。理所必致矣。患者慎之。

戊寅冬。張和公長孫。患瀉痢半載。諸藥不効。相公命予治之。曰。昔翰林時。患肚腹之疾。不能飲食。諸藥不効。灸中脘章門。即飲食。其針灸之神如此。今長孫患瀉痢。不能進食。

可灸乎。予對曰。瀉痢日久。體貌已變。須元氣稍復。擇日針灸可也。華岑公子云。事已危篤矣。望即治之。不俟再擇日期。即針灸中脘章門。果能飲食。

丁丑夏。錦衣張少泉公夫人。患癰症二十餘載。曾經醫數十。俱未驗。來告予。診其脉。知病入經絡。故手足牽引。眼目黑瞤。入心則搐抖。須依理取穴。方保得痊。張公善書。而知醫非常人也。悉聽予言。取鳩尾中脘快其脾胃。取肩髃曲池等穴。理其經絡。疏其痰氣。使氣血流通。而癰自定矣。次日即平妥。然後以法製化痰健脾之藥。每日與服。

戊辰歲吏部觀政李遂麓公。胃旁一痞塊。如覆盆形。體羸

瘦藥勿愈。予視之曰。既有形於內。豈藥力所能除。必針灸可消。詳取塊中。用以盤針之法。更灸食倉下腕穴而愈。遂麗公問曰。人之生痞。與痞癖積聚癥瘕。是如何。曰。痞者否也。如易所謂天地不交之否。內柔外剛。萬物不通之義也。物不可以終否。故痞久則成脹滿。而莫能療焉。痞癖者。懸絕隱僻。又玄妙莫測之名也。積者跡也。挾痰血以成形跡。亦鬱積至久之謂爾。聚者緒也。依元氣為端緒。亦聚散不常之意云。癥者徵也。又精也。以其有所徵驗。及久而成精卒也。瘕者假也。又遐也。以其假借氣血成形。及歷年遐遠之謂也。大抵痞與痞癖。乃胸膈之候。積與聚。為腹內之疾。其為上中二焦之病。故多見於男子。其癥與瘕。獨見於臍下。是為下焦之候。故常見於婦人。大凡腹中有塊。不問男女。婦積聚癥瘕。俱為惡症。切勿視為尋常。初起而不求早治。若待痞疾脹滿已成。胸腹鼓急。雖扁鵲復生。亦莫能救其萬一。有斯疾者。可不懼乎。李公深以為然。

戊辰歲。戶部王縉菴公廼弟。患心癆疾數載矣。徐堂翁召予視之。須行八法開闔方可。公如其言。而刺照海列缺。灸心俞等穴。其針待氣至。乃行生成之數。而愈。凡治此症。須分五癰。此卷前載之詳矣。茲不悉錄。

壬申歲。大尹夏梅源公。行取至蛾眉菴寓。患傷寒。同寅諸

公迎視六脉微細。陽症得陰脉。經云陽脉見於陰經。其生也可知。陰脉見於陽經。其死也可許。予居土河坊。正值考績不暇。往還之勞。若辭而不治。此公在遠方客邸。且蒞政清苦。予甚憫之。先與柴胡加減之劑。少効。其脉尚未合症。予竭精殫思。又易別藥。更針內關。六脉轉陽矣。遂次第進以湯散。而人愈。後轉陞戶部。今為正郎。

壬戌歲。吏部許敬菴公。寓靈濟宮。患腰痛之甚。同鄉董龍山公。推予視之。診其脉。尺部沉數有力。然帶力子尺脉固宜沉實。但帶數有力。是濕熱所致。有餘之疾也。醫作不足治之。則非矣。性畏針。遂以手指於腎俞穴。行補瀉之法。痛稍

減。空心再與除濕行氣之劑。一服而安。公曰。手法代針。已覺痛減。何迺再服滲利之藥乎。予曰。針能劫病。公性畏針。故不得已而用手指之法。豈能驅除其病根。不過暫減其痛而已。若欲全可。須針腎俞穴。今既不針。是用滲利之劑也。豈不聞前賢云。腰迺腎之府。一身之大關節。脉沉數者。多是濕熱雍滯。須宜滲利之。不可用補劑。今人不分虛實。一槩誤用。多致綿纏。痛疼不休。機中抵甚。補惡攻。人之恒情也。邪濕去而新血生。此非攻中有補存焉者乎。壬申歲。行人虞紹東翁。患膈氣之疾。形體羸瘦。藥餌難食。召予視之。六脉沉澁。須取膈中以調和其膈。再取氣海以

保養其源而元氣充實。脉息自盛矣。後擇時針上穴行六陰之數。下穴行九陽之數。各灸七壯。遂全愈。今任揚州府太守。庚辰過揚。復覩形體豐厚。

壬申夏。戶部尚書王疎翁。患痰火熾盛。手臂難伸。予見形體強壯。多是濕痰。亦注經絡之中。針肩髃。疏通手太陰經。與手陽明經之濕痰。復灸肺俞穴。以理其本。則痰氣可清。而手臂能舉矣。至吏部尚書。形體益壯。

辛未歲。浙撫郭黃崖公祖。患大便秘下血。愈而復作。問其致疾之由。予對曰。心生血。而肝藏之。則脾為之統。內經云。飲食自倍。腸胃乃傷。腸癖而下血。是皆前聖之言。而可考者。殊不知腸胃不無血。多是痔疾隱於肛門之內。或因飲食過傷。或因勞欲怒氣。觸動痔竅。血隨大便而出。先賢雖有遠血近血之殊。而實無心肺大腸之分。又有所謂氣虛腸薄。自榮衛滲入者。所感不同。須求其根。於長強六針二分。灸七壯。內痔一消。而血不出。但時值公冗。不暇於針灸。逾數載。陞工部尚書。前疾大作。始知有痔隱於肛門之內。以法調之。愈。至己卯。復會於汶上。云不發矣。是歲公子箕川公長愛。忽患驚風。勢甚危篤。灸中冲。印堂。合谷等穴。各數十壯。方作聲。若依古法而止。灸三五壯。豈能得愈。是當量其病勢之輕重而已。

已卯歲因磁州一同鄉欠俸資往取道經臨洛關會舊知
宋憲副公云昨得一喜有一真人至舍相談而別今辱故
人相顧舉家甚喜昨生長子得一痞疾近因下第抑鬱疾
轉加增諸藥不效如之奈何予荅曰即刻可愈公悞然曰
非惟吾子得安而老母亦安矣此公至孝自奉至薄神明
感召予即針章門等穴飲食漸進形體清爽而腹塊即消
矣惟洽數日偕親友送至岳洞賓度盧生祠不忍分袂而
別。

庚辰夏工部郎許鴻宇公患兩腿風日夜痛不能止臥床
月餘寶源局王公廼其屬官力薦予治之時名醫諸公堅
執不從許公疑而言曰兩腿及足無處不痛豈一二針所
能愈予曰治病必求其本得其本穴會歸之處痛可立而
止痛止即步履旬日之內必能進部此公明爽獨聽予言
針環跳絕骨隨針而愈不過旬日果進部人皆駭異假使
當時不信王公之言而聽旁人之語則藥力豈能及哉是
惟在乎信之篤而已信之篤是以獲其効也。

已巳歲張相公得肛門忽腫之疾戎政王西翁推予診視
命之曰元老之疾非常人比宜精思殫力調治以副吾望
予謁診右寸浮數是肺金受風熱移於大腸之中然肛門
又居下之地而飲食糟粕流至於此若無七情四氣所干

則潤澤而下。或濕熱內蘊。邪氣所加。則壅滯而作腫痛。予製以加減搜風順氣之劑一罐。倍加酒蒸大黃。借酒力上升。蕩滌邪熱。加麻仁潤燥。枳殼寬腸。防風獨活。驅除風熱。當歸清血。涼血養血。枯苓以清肺與大腸。共製成丸。服漸清安。

隆慶二年四月初四日奉

旨。傳與聖濟殿着醫去看徐閣老病。欽此。臣等謹欽遵。前至徐閣老秋家。診得六脉數大。積熱積痰。脾胃虛弱。飲食減少。宜用清熱健脾化痰湯。醫治黃芩白朮貝母橘紅茯苓香附芍藥桔梗川芎前胡檳榔甘草水二鍾。薑一片。煎至一鍾。不拘時服。藥對症即愈。

乙亥歲通州李戶侯夫人患怪症。予用孫真人治邪十三針之法。問病者是何邪為害。對說迺某日至某處。鷄精之為害也。令其速去。病者對曰。吾疾愈矣。怪邪已去。言語遂正。精神復舊。以見十三針之有驗也。

己巳歲尚書毛介川翁患脾胃虛弱。時常瀉痢。肢畧浮腫。問於予曰。時常泄瀉。多係濕熱。夫人之一身。心生血。肝藏之。而脾為之統。脾得其統。則運化有常。水穀通調。固無所謂濕。亦無所謂熱也。夫唯精元之氣。既不能保之於平時。而五味之養。又不節之於將來。斯精血俱耗。而脾無所統。

九卷
矣。脾失所統。則運化通調。將何以為職。欲求其無瀉。不可得也。然則何以謂之濕熱。蓋運化通調。既失其職。則水穀不分。濕鬱於內。而為熱矣。由是便血稠粘。裏急後重。瀉不獨瀉。而又兼之以痢焉。皆坐此也。其治之法。宜蕩滌其濕。然後分利。斯脾胃得統。而其症安矣。否則土不能制水。元溫盈溢。浸於四肢。變而為氣者有之。信其言。調理而愈。
已卯歲。行人張靖宸公夫人崩不止。身熱骨痛。煩燥病篤。召予。診得六脉數而止。必是外感。誤用涼藥。與羌活湯。熱退。餘疾漸可。但元氣難復。後灸膏肓三里而愈。凡醫之用藥。須憑脉理。若外感誤作內傷。實實虛虛。損不足而益有餘。其不夭滅人生也。幾希。

辛酉夏中。貴患癱瘓。不能動履。有醫何鶴松。久治未愈。召予視曰。此疾一針可愈。鶴松慚去。予遂針環跳穴。果即能履。夏厚贈。予受之。逾數載。又癱矣。復來召予。因侍。

禁廷。不暇即往。遂受鶴反間。以致忿視。昔之刺鵲於伏道者。為何如。

己巳歲。蔡都尉長子。碧川公。患痰火。藥餌不愈。辱錢誠齋堂翁薦。予治之。予針肺俞等穴。愈後。其文患風癰甚危。其乃郎秀山。廼婿張少泉。邀予治之。廼針內關而甦。以禮厚贈。予固辭不受。遂以女許聘。脉兒楊承禎焉。

庚辰歲過揚大尹黃縝菴公昔在京朝夕相與情誼甚篤進謁留款不忍分袂言及三郎患面部疾數載不愈甚憂之昨焚香卜靈棋課曰元元塵埃久待時幽窓寂寞有誰知運逢寶劍人相顧利遂名成總有期與識者解曰寶者珍貴之物劍者鋒利之物必逢珍貴之人可愈今承相顧知公善針疾愈有期矣予針巨膠合谷等穴更灸三里徐徐調之而愈時工匠刊書多辱蠅米之助

甲戌歲觀政田春野公迺翁患脾胃之疾養病天壇至敝宅數里春野公每請必親至竭方盡孝予感其誠不憚其遠出朝必趨視告曰脾胃乃一身之根蒂五行之成基萬物之父母安可不由其至健至順哉苟不至健至順則沉痾之咎必致矣然公之疾非一朝所致但脾胃喜甘燥而惡苦濕藥熱則消於肌肉藥寒則減於飲食醫治久不獲當莫若早灸中脘食倉穴忻然從之每穴各灸九壯更針行九陽之數瘡發漸愈春野公今任兵科給事中迺翁迺弟俱登科而盛壯

庚辰歲道經揚州御史桑南皋公夫人七旬餘發熱頭眩目澁手攣食少公子迎予盼得人迎浮而關帶弦見症雖多今宜清熱為先以天麻殭蠶為君升麻知母為臣夏荊甘草等為使佐服至三帖熱退身涼飲食漸進餘症亦減

次日復診六脉平勻。昆玉喜曰。發熱數月。醫不見効。昨方製服一帖。熱退食進。何耶。予曰。醫者意也。得其意。斯握醫之要樞矣。昔司馬嘗稱扁鵲隨俗為變。及述其論。齊桓侯疾。語多近道。皆以其意通之耳。昨脉浮弦。疑是過用養血補脾之劑。閉塞火邪。久則流溢於太陽。膀胱經起。至陰終。精明。故目澁頭眩。又走三焦經。故手攣也。少南少玄公與續菴公。姻聯之好。予辱故人之托。精思脉理。意究病源。故製立前方。用以引經之劑。其熱速退。熱退脾陰漸長。而榮血自生。餘症亦因之除矣。二公曰。然。

次曰... 之要... 補脾... 補明... 補春... 補不... 補自...

